

## Allannguutissatut siunnersuut

uunga

### **Uunga siunnersuut: Aalisarneq pillugu Inatsisartut inatsisaat**

Pingajussaaneerneqarnissaanut Naalakkersuisunit saqqummiunneqarpoq:

§ 32-mut

#### **1. § 32, imm. 7-itut ikkunneqassaaq:**

"*Imm. 7. Pisassat amerlanerpaaffissaat imm. 1 nr. 1-imi taaneqartut appartissinnaaneri pillugit Naalakkersuisut maleruagassiorsinnaapput. Appartisinerit inuiaqatigiinnut pisussaaffiit, pisortat ingerlatseqatigiiffiutaasa pisussaaffiligassaat piffissaqarluarlunilu nalunaaruteqarnissamut piffissarititaasut isiginiarlugit ingerlanneqassapput.*"

#### **2. § 32, imm. 8-tut ikkunneqassaaq:**

"*Imm. 8. Oqaaseqatigiit siulliit kingorna aalajangiussaq pillugu Naalakkersuisut Inatsisartunut immikkut ilisimatitsissuteqassapput.*"

Allannguutissatut siunnersummut nassuaatit

### **Nassuaatit nalinginnaasut**

Aalisarnermut inatsisisatut siunnersuutip 10. maj 2024-mi aappassaaneerneqarnerani ingerlatseqatigiiffiit pisortanit pigineqartut pisassiissutinik piginnittuusinnaanerannut qummut killiliullugit aalajangersakkamut pingajussaaneerininnissamut allannguutissatut siunnersummik Naalakkersuisut saqqummiussaqarniartut saqqummiunneqarpoq.

Siunnersuut aqqtigalugu nalinginnaasumik piginnaatitsissummik nutaamik aalajangersaasoqassaaq ingerlatseqatigiiffiit pisortanit pigineqartut pisassanit pisassaasa piffissaqarluarluni nalunaaruteqarnikkut atugassarititallu nalunaarummi aalajangersarneqarsimasut naapertorlugit appatinneqarsinnaanissaanut Naalakkersuisut piginnaatinneqarnissaannik periarfissiisumik.

Piginnaatitsissut atorneqarpat ilutigisaanik Naalakkersuisut Inatsisartuni ataatsimiititalianut susassaqartunut ilisimatitsissuteqassapput.

**Siunnersummi aalajangersakkanut ataasiakkaanut nassuaatit**

Nr. 1-imut

Ingerlatseqatigiiffiit pisortanit pigineqartut Kitaani raajartassaasa amerlanerpaaffissaat namminersortut pisassaasa amerlanerpaaffissaannut aalajangersakkanut naleqqussarneqartariaqarnissaat siunertaralugu allanngutissatut siunnersuusiorqarpoq.

Inuiaqtigiinnut pisussaaffittut suliassat pisortat ingerlatseqatigiiffiutaanit isumagineqartartut aaqqiiffingineqarnissaata suli pisariaqarnissaa naatsorsuutigineqarpoq. Taamaattumik pisortat ingerlatseqatigiiffiutaani pisassat amerlanerpaaffissaannik appartitsinissaq qajassuullugu ingerlanneqartariaqarpoq, pitsaanngitsumik sunniutaasinnaajunnartut minnerpaaffianiitsinniarlugit.

Tamatuma kingunerissavaa immikkoortoq 7-mi oqaaseqatigiit siulliit naapertorlugit pisassat amerlanerpaaffissaanik allannguinerit sunniutissat siuliani taaneqartut naatsorsorneqarneri aallaavigalugit ingerlanneqassasut.

Aalajangersagaq taanna aallaavigalugu iliuusissat inatsisissatut siunnersummi uumassusilinnik, aningaasaqarnikkut inuillu atugaasigut piujuartitsinermut tunngaviit isiginiarlugit ingerlanneqassapput.

Ingerlatseqatigiiffiit pisortanit pigineqartut pisassaasa naleqqussarneqareernerisa kingorna pisassiissutit naleqqussarniarneranni tamakkiisumik namminersortungorsaanisssaq imaluunniit najukkami aalisartunik suleqatigiinnermik pilersitsinissaq naatsorsuutigineqarpoq.

Pisassat amerlanerpaaffissaannik appartitsineq ingerlatseqatigiffiit pisortat pigisaasa pisassaannik appariartitsisussaq piffissaqarluarluni nalunaarutigineqassaaq pinngitsaaliilluni taarsiissutitalimmik pigisanik piginnikkunnaartitsinertut apeqqusiisinnaanerit pinngitsoortinniarlugit.

Nr. 2-mut

Aalajangersakkat naapertorlugit Naalakkersuisut iliuutsitik tamaasa Inatsisartunut ilisimatitsissutigissavaat.

Ilisimatitsissut una immikkut ingerlanneqassaaq, taamaasillunilu assersuutigalugu inatsisisstatut siunnersuummi §53 naapertorlugu ukiumoortumik nalunaarusiaq utaqeqqaartussaassanagu.